

Tuismeng van veevoere met Feedtek makrovoormengsels



Deur: Ronél Joubert, Feedtek (Pr.Sci.Nat.)

Die hoofdoel van enige veeboerdery is winsgewende produksie van bemarkbare produkte. Voerkoste kan tot 75% van die bedryfskoste van 'n intensiewe veeboerdery beslaan en het dus 'n direkte invloed op winsgewendheid. Met behulp van die Feedtek reeks makrovoormengsels is dit eenvoudig om wetenskaplik gebalanseerde veevoere, koste doeltreffend op die plaas te meng.

Waar pas makrovoormengsels in?

Produsente met ondervinding in die tuismeng van voere is vertrouwd met die konsep van mikrovoormengsel pakkies wat spoorminerale, vitamien, smaakmiddels en soms medikamente bevat. Hierdie mikrovoormengsels beslaan normaalweg 0.2 tot 0.5% van die totale voermengsel. Die ander kritiese belangrike voedingstowwe wat addisioneel by die produsent se eie energie- en veselryke grondstowwe gevoeg moet word vir 'n volledig gebalanseerde rantsoen, sluit in kalsium, fosfaat, magnesium, nie-proteïen stikstof (NPN) produkte, sout, voerkalk en natuurlike proteïene. Dit is tydrowend om al hierdie verskillende voedingstowwe akkuraat af te weeg en maak tuismeng op plaasvlak boonop onnodig gekompliseerd. Makrovoormengsels en hoë proteïen konsentre (HPK's) bevat egter reeds hierdie bogenoemde voedingstowwe en skakel dus die individuele aankoop en akkurate afweeg daarvan uit. Anders as in die geval van HPK's, bevat makrovoormengsels geen natuurlike proteïene nie, aangesien dit meestal goedkoper self geproduseer of lokaal aangekoop kan word. Makrovoormengsels beslaan dus tipies slegs 3 tot 6% van die totale voer, teenoor die 15 tot 30 % van algemene HPK's en laat dus maksimale spasie vir insluiting van lokaal beskikbare grondstowwe.

**Makrovoormengsels
beslaan dus tipies slegs
3 tot 6% van die totale
voer, teenoor die 15 tot
30 % van algemene HPK's**

Wat is die voordele van tuismeng?

Buiten die potensiele koste besparing weens geen addisionele marge op grondstof koste, is die grootste voordeel van tuismeng dat die boer 100 % in beheer is van die roumateriale wat gebruik word, die kwaliteit daarvan en korrekte insluiting



in die finale voermengsel. In gevalle waar boere toegang het tot goeie kwaliteit lokale grondstowwe of byprodukte teen billike pryse, kan dit maklik by voere ingesluit word deur 'n Feedtek veekundige. Tuismeng stel ook die boer in staat om spesifieke tekorte of voedingsbehoefte meer akkuraat op plaasvlak aan te spreek met doelgemaakte veevoer formulasies vir spesifieke omstandighede en verlangde produksievlakke. Of dit dus 'n kleinskaalse boer is wat voer meng met grawe op 'n sementvloer, of groter produsente met voermengers of volledig ingerigte meng eenhede, almal het die vermoë om mededingende, gebalanseerde voere te meng op plaasvlak.

Waarom Feedtek Makrovoormengsels?

- Feedtek konsentre bevat alle kritiese mikro bestanddele vir gebalanseerde voere sonder enige draers, vog of vesel.
- Die produkte is hoogs gekonsentreerd wat vervoerkoste per eenheid voedingstof minimaliseer.
- Dit beslaan die kleinste moontlik fraksie van die finale voer, wat die boer in staat stel om plaaslike geproduseerde grondstowwe maksimaal te benut asook aanpassing van voerformulasies vergemaklik.
- Produkte bevat die nuutste beproefde tegnologie om moderne, geneties meerderwaardige, vee se produksiepotensiaal optimaal te ontsluit. Feedtek produkte word dus gereeld hersien om in pas te bly met globale ontwikkelinge in die veevoerbedryf.
- Al die mikro bestanddele is eweredig versprei deur die sak vir uitstekende uniforme verspreiding deur die finale voer.
- Die sak grootte is só saamgestel dat 500 kg mengsels maklik vermeng kan word sonder om mikro bestanddele af te weeg.
- Feedtek kliënte word ondersteun deur 'n persoonlike en volledige professionele tegniese ondersteuningsdiens.

Die Feedtek reeks sluit konsentre in vir alle plaasdiere insluitend kleinvee, vleisbeeste, suiwel, varke, pluimvee, wild en konyne. Tuismeng van veevoere was nog nooit so maklik nie!

**Vir meer inligting en voorbeelde van veevoer
formulasies, kontak u naaste Feedtek verteenwoordiger,
besoek ons webtuiste by www.feedtek.co.za of kontak
ons by 086 111 5362 of info@feedtek.co.za**

